



Minggu, 20 Agustus 2023

Ogen : Bilangan 11:4-15



Nadingken Ketenengen Ndatken

Kemenangen



Zona nyaman sekalak jelma, biasana jadi adi kebutuhenna enggo bias. Kebutuhan pokok eme nakan, paken ras ingan tading. Kebutuhan social eme mbue teman ras teraloken jelma sienterem. Biasa adi nggo seh ku taraf sie lit kalak singgo mbiar "kehilangan", emaka silakoken segala cara guna mpertahankenca kai singgo lit e amin gia mawen mengorbankan integritas ras sora pusuh. Kebiaren kebenen kenyamanan ras kebiaren tertolak lingkungan megati jadi sada faktor sierbanca kalak mundur arah kai sisedekah enda ijemakna selaku hal si payo secara aturen ras secara kiniteken. Tekanen e banci mempengaruhi ras engkuasai kai siilakoken ras kai siibelasken kita. Tekanen gelah tetap ialoken ras tetap ndatken kenyamananen ncekak kebebasan si enggo ibereken Tuhan guna nggeluhkan sora pusuh e.

Tekanen jungut-jungut bangsa Israel sempat mpengaruhi Musa, sindube tek kal man kuasa Dibata, rempet drop/ndabuh kinitekenna; denge-denge bangsa e mindo daging, janah situasi la memadai. Mbiar Musa itulak bangsa e, piahna senembas bene kiniteken man Tuhan. Jenari lanai mehuli pengeranana man Tuhan, padahal lebih asa si e enggo idahna perbahanen Dibata ndai.

Tep-tep pasu-pasu iarakken tanggungjawab. Kebebasen siibereken Tuhan pe sendalanan ras tanggungjawabta. Mberat memang, tapi ola sibere peluang kebiarenta itulak manusia, ngolangi kita guna ngelakoken kai sijadi sura-sura Dibata jadi kegeluhenta. Bahanlah Tuhan tetap jadi ingan penundalenta bas kegeluhen seh maka menang me kita.

Mbiar man jelma dat siding, mbiar man Tuhan dat pasu-pasu

